



Bosnia and Herzegovina
Federation of Bosnia and Herzegovina
CANTON SARAJEVO
Ministry for Education

Broj: 11-04/02-34-5869-68/24

Sarajevo, 02.04.2024. godine

SKUPŠTINA KANTONA SARAJEVO

n/r Elvedin Okerić, Predsjedavajući Skupštine Kantona Sarajevo

Predmet: Odgovor na zastupničku inicijativu, *dostavlja se*

ZASTUPNIČKA INICIJATIVA:

Zastupnica u Skupštini Kantona Sarajevo, Marijela Hašimbegović je na 14. Radnoj sjednici Skupštine Kantona Sarajevo uputila zastupničku inicijativu u ime Aktiva šumarske struke i JU Srednja škola za okoliš i drvni dizajn Sarajevo radi stavljanja van snage Zaključka broj: 02-04-5140-26/24 od 22.02.2024. godine kojim se utvrđuje Plan upisa učenika u prvi razred srednjih škola sa područja Kantona Sarajevo za školsku 2024/2025. godinu kojeg je Vlada Kantona Sarajevo donijela na 13. sjednici održanoj 22.02.2024. godine. Ovim Zaključkom ukida se još jedan smjer šumarske struketehničar hortikulture, a broj učenika na smjeru ekološki tehničar biva smanjen za 50%. Ovakve nepromišljene aktivnosti mogu imati nemjerljive posljedice. Obzirom da smo Grad koji je jedan od najzagađenijih na svijetu i Kanton koji je pokriven šumama i šumskim zemljištem sa preko 65% površine moramo raditi na strategiji ulaganja u ljudske resurse i buduće stručnjake iz oblasti šumarstva, hortikulture i ekologije. Način afirmisanja mladih po pitanju ovih zanimanja treba biti vizija i opredjeljenje resornog ministarstva i Vlade općenito.

OBRAZLOŽENJE:

JU Srednja škola za okoliš i drvni dizajn jedna je od najstarijih obrazovnih institucija na prostoru Bosne i Hercegovine koja je iznjedrila brojen generacije stručnjaka iz oblasti šumarstva i prerade drveta. U gore pomenutoj školi, učenici su se obrazovali za tzv. zelena zanimanja-šumarske tehničare, tehničare hortikulture, ekološke tehničare, rasadničare i čuvare šuma i lovišta-lugare.



Od prošle školske godine, Ministarstvo za odgoj i obrazovanje Kantona Sarajevo počelo je sa gašanjem određenih smjerova šumarske struke sa obrazloženjem da su učenici nezainteresovani za istu, što je potpuno neprihvatljiva argumentacija. U školskoj 2022/2023. godini nije u potpunosti realiziran Plan upisa, no školske 2023/2024. godine, nakon kontinuirane promocije škole i šumarskih zanimanja, broj upisanih učenika na smjerove šumarske struke se značajno povećao, iako je Ministarstvo već ukinulo dva šumarska smjera. Ovo je dokaz da je stanje na terenu drugačije od onog prezentiranog od strane resornog ministarstva. Bez obzira na gore navedene činjenice, ponudu Samostalnog sindikata šumarstva, prerade drveta i papira BiH za stipendiranje učenika na smjeru Šumarski tehničar, brojne molbe javnih i privatnih preduzeća prema resornom ministarstvu, a obzirom na njihove kadrovske potrebe, Vlada Kantona Sarajevo je na 13. sjednici održanoj 22.02.2024. godine donijela zaključka broj: 02-04-5140-26/24 od 22.02.2024. godine kojim se utvrđuje Plan upisa učenika u prvi razred srednjih škola sa područja Kantona Sarajevo za školsku 2024/2025. godinu kojim se ukida još jedan od smjerova šumarske struke- tehničar hortikulture, a broj učenika na smjeru ekološki tehničar biva smanjen za 50%.

Profesori stručno-teorijske i praktične nastave šumarske grupe predmeta izražavaju protest zbog ove odluke kojom se jedna struka strateški i u kontinuitetu gasi. Neshvatljivo je da se ne prepoznaje značaj ove škole koja u kontinuitetu egzistira 134 godine. Obzirom na težnje naše države ka članstvu u EU, te politike i strategije EU u oblasti zaštite prirode i životne sredine, postavlja se pitanje da li ćemo u budućnosti imati kadar koji će se baviti zelenim zanimanjem i provoditi takve politike. Republika Srbija gdje je Šumarska škola u Kraljevu proglašena školom od nacionalnog interesa je primjer dobre prakse u susjedstvu, za to vrijeme odgovorni i Kantonu Sarajevo sustavno rade na gašenju iste.

ODGOVOR:

JU Srednja škola za okoliš i drveni dizajn je obrazovna ustanova koja egzistira dugi niz godina i obrazuje učenike za zanimanja od strateškog značaja za Kanton Sarajevo, čega je ovo ministarstvo u potpunosti svjesno. Kroz protekle godine smo željeli biti podrška Školi u nastavku obrazovanja učenika, kako bi šumarska struka, kada je obrazovni segment u pitanju, mogla opstati i djelovati. Prema podacima iz EMIS sistema Škola trenutno ima ukupno 283 učenika, raspoređenih u 16 odjeljenja, što znači da prosječan broj učenika u odjeljenju iznosi 17,6 učenika.

Podsjećamo da je prema važećim Pedagoškim standardima i normativima za srednju školu ("Službene novine Kantona Sarajevo", br:27/08, 45/20, 7/21,20/22i 23/23), (u daljem tekstu: Pedagoški standardi) propisan minimalan broj odjeljenja-16, a minimalan broj učenika u odjeljenju je 20, iz čega jasno proizilazi da Škola trenutno ima minimalan broj odjeljenja a, broj učenika je u pojedinim odjeljenjima ispod pedagoškog minimuma (vodeći računa o prosječnom broju učenika na nivou Škole koji iznosi 17.6). Iz podataka je također vidljivo da u tekućoj školskoj 2023/2024. godini



broj učenika na zanimanju ekološki tehničar u 1. razredu iznosi 24 učenika, ali skrećemo pažnju da u 2. razredu trenutni broj učenika na zanimanju ekološki tehničar iznosi 7, koji realizuju nastavu u istom odjeljenju sa tehničarima hortikulture, kojih je 5, što ukupno iznosi 12 učenika u odjeljenju, što je daleko ispod pedagoškog minimuma. U 3. razredu je na zanimanju ekološki tehničar upisano 14 učenika, dok je u 4.razredu broj učenika u odjeljenju 16.

Iz navedenog proizilazi da je u svim odjeljenjima od 1. do 4. razreda na zanimanju ekološki tehničar broj učenika ispod pedagoškog minimuma, a nastavni proces se i dalje realizuje nesmetano.

Na zanimanju tehničar hortikulture u 1. razredu u tekućoj školskoj 2023/2024. godini upisano je 6 učenika, koji realizuju nastavu sa šumarskim tehničarima kojih je 8 u odjeljenju, što ukupno iznosu 14 učenika, dok je u 2. razredu upisano 5 učenika, koji realizuju nastavu sa 7 učenika na zanimanju ekološki tehničar, što ukupno iznosi 12 učenika u odjeljenju. U 3. razredu su upisana 3 učenika u odjeljenju koji realizuju nastavni proces sa 8 učenika na zanimanju šumarski tehničar, što ukupno iznosi 11 učenika u odjeljenju. U 4. razredu je broj učenika 7 u odjeljenju, koji realizuju nastavu sa 9 učenika na zanimanju šumarski tehničar i ukupan broj učenika je 16 u odjeljenju.

Iz naprijed navedenog, proizilazi da je u svim odjeljenjima od 1.do 4. razreda u kojima se učenici obrazuju za zanimanje tehničar hortikulture broj učenika ispod pedagoškog minimuma, a nastava se realizuje i odvija nesmetano.

Shodno navedenom, proizilazi da se na dva navedena zanimanja nastava realizuje u odjeljenjima ispod minimalnog broja učenika, koji je propisan Pedagoškim standardima te je nedvojbeno opredjeljenje ovog ministarstva da se učenici i dalje nastave obrazovati za zanimanja za koja je Škola registrovana. Odbacujemo u potpunosti navode članova Šumarskog aktiva Škole, jer je iz dostavljene analize evidentan nedostatak učenika na ovim zanimanjima, a ne postoji zakonska smetnja da se naredne školske godine odobri pola ili cijelo odjeljenje određenog zanimanja koje ove godine nije otvoreno ili kojem je smanjen broj planiranih učenika za upis.

Ministarstvo ostaje posvećeno neophodnoj reformi srednjeg stručnog obrazovanja, koja prvenstveno treba u središtu pažnje imati učenike kojima će biti omogućeno nakvalitetnije obrazovanje.

MINISTARICA

Najda Hota-Muminović

Dostaviti:

1. Naslovu.
2. Evidenciji.
3. a/a.



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-128

Web: <http://mo.ks.gov.ba>, E-mail: mo@mo.ks.gov.ba